

փոքրիկ, հազիւ դիւզական ժողովրդին բաւական տարածութիւն ունեցող մի եկեղեցի է, բայց աչքի է ընկնում իւր կռիկի, գեղեցիկ, նրբանկար և ներդաշնակ կերտուածով. բեմը, տեղանքը, խորանները, աւազանը, լուսամուտները, դռները և այլն և այլն մի մի մանրանկար են իսկական գաղափարական եկեղեցու մասերի. պատկերները, բոլորն էլ Ռուսաստանի մայրաքաղաքներում լաւագոյն գեղարուեստների արտադրութիւն, հրաշալի և հայկական, մանաւանդ բեմի վրայի Աստուածամօր և Փրէշական պատկերը, որպիսին չի կարելի տեսնել Թիֆլիսի բաղամօթիւ հայ եկեղեցիներում. նոյնը կարելի է ասել և զգեստների, անօթների ու զարդերի մասին. միով բանիւ եկեցու բարերարը աշխատել է այդ վիրախօս դիւղում մի գեղեցկադիր բարձրավանդակի վերայ կառուցանել մի փոքրիկ եկեղեցի—թանգարան, որից հիանում են ոչ միայն տեղական բնակիչները, այլ և քաղաքների բոլոր այցելուները: Ինչպէս տեղեկացանք պարոնը դիտուութիւն ունի եկեղեցուն կից բաւական կառուցանել և մի բնակարան բահանայի համար: Պատիւ և փառք նորան:

ՆԱՄԱԿ ԽՄԲԱԳՐԻՆ

Մեծարգոյ Տ. Խմբագիր

Սեպուհ պարտականութիւն եմ համարում ինձ Ձեր պատուական հանդիսի միջոցով սրտագին շնորհակալութիւնս յայտնել և օրհնել այն բոլոր հաստատութիւններին և անձերին, որոնք անձամբ, հեռագրերիւրեւով և նամակներով շնորհաւորեցին իմ նշանակուելը յառաջնորդութիւն թեմին Հայոց Վրաստանն և Իմերէթի:

1904 թ. 13 Հոկտեմբերի
Տփլիս

Գարեգին եպիսկոպոս:

ՍՄՆԱՀՆԻ ՎԱՆՔԻ ՀԱՅ ԳՐԶԱԳԻՐՆԵՐ.

Ս. Էջմիածնից մեզ հաղորդում են, որ Սանահնի վանքում գտնուած քսանեօթն հատ բաւական կարեւոր ձեռագիրներ նոյն վանքի նախկին վանահայր և այժմ թեմիս նորընտիր Ա. ռաջնորդ սրբազան Գարեգին եպիսկոպոսի կարգադրութեամբ ուղարկուել են Վեհափառ կաթողիկոսին ս. Էջմիածնի մատենադարանում պահելու համար: Գրչագիրներից հնագոյնը գրուած է հայոց Չ և փրկչական 1451 թուին, իսկ նոցա մէջ եղած Ընդհանրականի մի յիշատակարանից երևում է, որ այդ

գրչագիրը «Սանահնու սուրբ Աստուածածին վանուցն է, զոր հանեցաք ի ՅԱՃԱՌԱՆՑ այրիցն 1787 թուին»:

Այս օրերս թեմիս ս. Առաջնորդի միջոցով նոյն նպատակով ս. Լիմիածին է ուղարկուած հանգ. Արքար Յովհաննիսեանի վերջին կամքի համաձայն՝ վերջնիս 19 հայ գրչագիրները, որոնց մանրամասն և ընդարձակ ցուցակը կազմել է պրոֆ. Հ. Ֆինկը, որ անցեալները լոյս տեսաւ Լայպցիգի (†) Նուբար Գալիամաճեանի հայկական տպարանից:

ՎԱՆՔԻ ԾԽԱԿԱՆՆԵՐԻ ԺՈՂՈՎ

Հոկտեմբերի 10-ին կայացաւ Վանքի աւագ եկեղեցու ծխականների վերջին ժողովը նախորդ երեցփոխանի հաշիւների մասին՝ հաշուատեսների գեկուցումը լսելու և նոր երեցփոխանի առաջարկած նախահաշիւը հաստատելու համար:

Հաշուատես Յանձնաժողովը ներկայացրեց ժողովին նախորդ երեցփոխանի 6½ ամեայ հաշիւների մէջ նկատուած թերութիւնները. ժողովը որոշեց այդ բոլորը յանձնել կոնսիստօրիայի տնօրինութեան օրինական բացատրութիւն պահանջելու նախորդ երեցփոխանից այդ ամենի դէմ. և որոշեց ստիպել վերջնիս 7 օրում քանդել եկեղեցական փողով գնուած տունը: Այնուհետեւ ժողովը միաձայն հաստատեց նոր երեցփոխան պ. Ա. Բաբեանի առաջարկած նախահաշիւը, որի մէջ ամենակարեւոր կէտն այն է, որ նա վերացնում է բոլոր գանձանակադրամների շրջեցնելը (ժացի մի անգամից, որ քահանան կը շրջեցնէ յօգուտ եկեղեցու) և դոցա փոխարէն նշանակում է ռոճիկ եկեղեցու բոլոր պաշտօնեաներին: